

آبونه شرائطی

ممالك عثمانیه ده سنه لکی (۶۵)، الق
آیلغ (۳۵) غروشدور .

ممالك اجنبیه ده سنه لکی (۱۷)، الق
آیلغ (۹) فرانقادر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

§

• سلكه موافق آثار مع الممنونیه قبول
اولنور . درج ایدله یازیلر اعاده
اولونماز .

الممنونیه

۱۳۳۰

دینی، فلسفی، علمی، ادبی، سیاسی هفته لق مجموعه اسلامیه در.

اخطارات

رساله مزدن آلمدیغی کوسترلك شرطيله
بتون یازیلر هر هانکی بر خزن طرفنان
اقتباس اولونه بیایر .

§

مکتوبلرک، امضالرک واضح و اوقوناقلی
اولمسی و آبونه صره نوموسى محترى
بولونمسی لازمدر .

§

ممالك اجنبیه ایچون آبونه اولانلرک
آدرس لریشک فرانسزجه ده یازلمسی دجا
اولنور .

§

پاره کوندرلدیکی، ان نه یه د ثراولدیغنک
راضعا ییلدیلمسی دجا اولنور .

والله یهدی من یشاء الی صراط مستقیم

صاحب و مدیر مسئول نع . اشرف ادیب

اتبعون اهدکم سبیل الرشاد

هېښی شکل اصلی ، شکل مشرورغلرندن آز چوق انحراف ایتش ، هېښی ده اکثریت عظیمه مزه کوره معنای مشرورعتلری ضایع ایشدر . شو حالده عمومیت اعتبارله هېښی ده برر برر تدقیق و تحلیل ایتک ، هېښی ده شکل اصلیلرینه کوره تنسیق و تهذیب ایتک لازمدر . بدعت اوزرنده اصرارک معنای یوقدر . یا کلش بهانهلر ایله دینه ، شریعت ، تعلیمات نبویه موافق ، غیر موافق محضاً هر اکیکلکی ، هر آلهدیغمز طرفدارلق یوزندن بوکې بدعتلرک ، یا کلشلقلرک ادامه سی قطعاً جائز دکدر . بو وادیده چالیشمه ، دینری جانلاندیرمغه غیرت ایتک ارباب اولان هر مسلمانک وظیفه و بورجی اولسه کرک .. والله اعلم بالصواب .

حلیم ثابت

اسارت

مقصد امرک نقطه نظری

حسن تحسین امضای مکتوب صاحبه

« اسارت » حقنده کی اساسات اسلامیه دن سؤال ایدیورسکز . بومسئله خصمانک دین اسلامه قارشو سرد ایتدیکی اعتراضاتدن بریدر . بوبابده شمدی یه دکن کرک علمای اسلام ، کرک مستشرقلر طرفندن پک چوق محاکمه لر یوریدلش ، مطالعه لر سرد ایدلشدر . بزحاکمه مزى بشقه بروادیدن یوریده جکز .

معلوم اولدینی اوزره انسانلر بیننده قدیم الایام دن اسارت اصولی جاری ایدی ! هیئت اجتماعیه دن بر قسمی انسانیتدن خارج بر اقلمش ایدی .

بواصولک میدان کلسنه اوچ سبب واردر :

برنجیسی ، محاربه در . ازمنه عتیقه ده هر قوم عالم بشریتی بری مدنی ، دیکری وحشی اولق اوزره ایکی یه تقسیم ایدردی . مدنیلر کندیلری ، وحشیلر بشقه لری ایدی . وحشیلر هیچ برحقه مالک اولیوب هر حق کندیلرینک ایدی . وحشیلری اسیر ایتک ، اولدیرمک مباح ایدی . برمحاربه وقوعنده غالب کلن طرف بر فرد بر اقامق اوزره مغلوبلری قتل و اولاد و عیاللری اسیر ایدردی . بوکا دایر تاریخده وبالخاصه تورانده پک چوق مثاللر اراهه ایدیلر یلور [۱] . - بعده مغلوبلری قتل ایتیه رک اسارت طریقله غالبلرک مملکتلرینه نقل ایتک عادتی میدان کلسدر . مصر فرعونلری اهراملرک انشاسنده و خدمات سائرده ممالک مفتوحه اهایلسندن جاب ایتدکلری یوز بیکلرله اسرای استعمال ایدرلردی ، آثور حکمدارلری طرفندن بنی اسرائیلک کراراً خراسان و بابل جهتلرینه نقل ایدلرلری دخی بوقبیلدندر . - عادات اقوام کسب ملایمت ایتدکجه مغلوبلری مملکتلرندن اخراج ایتز اولدیلر . شو قدرکه

[۱] شو نقطه نظر دن بیلر تورانه معتقد و غیر مسلم اوروپانک اسلامه حق اعتراضی اولماق لازم کلر . یوقسه بزده « کندی کوزیکزده کی مرتکی کور- میهرک بشقه سنک کوزنده کی چوپ کوریورسکز » دیرز . حضرت عیسانک حکم تورانی تبدیل ایچون کلدیکنی ایسه طبعی نصاراً انکار ایدم .

برده وقتیه خطب مآثور دنک احتوا ایتدیکی « تذکیر و تحذیر » یعنی موعظه قسمی ، زمانه ، حاله ، ایجابنه کوره تبدیل اولنور ، هیچ بر وقت عینی فقرات ، عینی کلمات تکرار ایدیلردی . فی الحقیقه خطب مآثور دنک یوقاروده سویله ن محتوباتی بعضاً صینه ، کله فرق کبی کوچوک فرقلر ایلر عیناً تکرار ایدیلدیکی حالده موعظه قسمک مبادی و متمدنه - لرندن ماعداسی هپ زمانه ، حاله ، حتی مرقعه کوره ایراد اولنوردی . بو موعظه لر حاضرین اوزرنده عمیق بر تأثیر بر ایدردی . حتی انشای خطبه ده فخر کائنات اندمزمک مبارک کرزلری یاشاریردی . انتخاب کرام حضراتی ده متأثر اولورلردی . ذاتاً بالعموم علمای اسلام ، ائمه مجتهدین حضراتی موعظه دن مقصد تذکیر و تحذیر اولدینی بیان خصوصنده متفقدلر .

حالبوکه بو کون بز خطبه لر مزده بوجهتی قطعاً نظر دفته آله یورز . خطبه لرک موعظه قسمنده کی طرز مشروعت آنجق بویه اولوب بونک خلاقی بدعت اوله جغنی خاطرله یه یورز .

موعظه دن مقصد « تذکیر و تحذیر » اولدینی دوشونمده دن اهلینک آ کلاویه میه جغنی بر لسان ایلر ، یا یه قالب بعض معلوم اولان شیملری تکرار ایدوب دور یورز . اهلینک اکثریت عظیمه سی بونلری آ کلاویه - مدیغندن « تذکیر و تحذیر » مقصدی حصول بوله میور . ایشه بو بر بدعت دیکدر . ذاتاً بزم خطبه لر مزده آ کلایانلر ایچون بیله موجب عبرت اوله جق سوزلر سویله نه یور . بو ایسه یوقاروده عرض ایتدیکم وجهله فعل نبوی ، فعل اصحابه مخالف اولوب محدث ، بدعت و بناء علیه ضالانددر .

شو حالده جمعه و بایرام نمازلرنده کی ، حتی خلیفه و یا خود وکیل طرفندن بالعموم مسلمینه خطاباً اوقونمده اولان حجه ده کی خطبه لری اصلاح ایتک ، یعنی معنأ شکل اصلینه ، شکل مآثورینه ارجاع ایتکلکمز لازمدر . فکر عاجزانه مزه کوره بو خصوصده ایکی اساسه رعایت ایدیلر سه مقصد حاصل اولور . هر حالده خطبه لر خصوصنده کی بدعت جیلکندن ده ؛ صرف غرامافون کی اوقویوب ، قووانلری کی دیکله مکندن ده قور تولورز :

(۱) خطبه نک حمد ، ثنا ، تمجید ، شهادت قسملری ، ترجمه ایدیلک شرطیه ، آیت کریمه و حدیث شریفلری عریجه اوله رق اوقونور ؛ فقط بو خصوصده سنت سنیه دن آیریلماق ؛ سجع ، قافیه خاطر ایچون سقامت ترکبندن صاقنمق اقتضا ایدر .

(۲) خطبه نک « موعظه » ، « توصیه بالمقربات » ، « نهی عن المبعذات » ، « دعا » قسملری ده لسان محلی اوزره ایراد اولنور . بو صورتله خطبه نک بوقسملرندن مقصود اولان جهت ده حصول بولش اولور . ذاتاً خطبه نک بوقسملری آ کلاشیلر بر لسان ایلر ایراد ایدلدکجه خطبه ده نا تمام قالیر . بو حال البت کراهتدن خالی اولماسه کرک . . .

سائر عبادتله مزده ، نمازلر مزدن ، خطبه لر مزدن فرقمزدر .

حقوق و حریتبری سلب ، اموال ذاتیهلری غضب اولنور و غالبلر ایچون چالشدیریلور ایدی . - تاریخ حربده ممالک مفتوحه اها لیسنک حقوق و حریتلری کندولرینه ترک ایدرک یالکز حق حاکمیتلری نزع ایتک درجه سنده کی ترقی شریعت اسلامیه ابراز ایلشدر . چونکه آنک نظرنده افراد بشریه دن هر برینک بر صفت ذمتی واردرکه رحم مادره آنکله برابر دوشر ، برلکده طوغار ، برلکده نشوونما بولور ، برلکده نولور ، حتی بعضا کندوسندن صکرده دوام ایدر . بو صفت مرغوبه موجبجه لهنه و عاینه بر طاقم احکام ترتب ایدر ، حقوق و وظائفه اهل اولور . انسان هانکی قومدن وهانکی مذهبدن اولورسه اولسون بوصفتی محافظه ایدر ؛ کندوسندن آنک نزعی و ترک و فراغی قابل دکلدر . ایکنجیسی ، بورجدر . علی الخصوص یونانیلرده برمدیون ایفای دیندن عاجز قالدینی صورتده داین آنی اسیر مقامده صاتار واستیفای مطلوب ایدردی .

اوچنجیسی ، ضرورتدر ؛ فقر و احتیاجک الجاسیله اها لی نفسلری و چو ققیری صاتارلردی .

تاریخک شهادتیه اقوام قدیمه نك هان جمله سنده اسارت اصولنک جاری اولدینی کوریلور . مصرده ، آثور و بابله ، حکومت ایرانیه ده ، هند و چینده جاری ایدی . یونانیلر اسرایه عادتاً جانی ماکنه نظریه باقارلردی . رومالورده دخی اسیر بازارلری قوریلوردی . اسرا احوال مملکتک بر قسم مهمنی تشکیل ایدرلردی . اسیر صیدی ایچون طاقم طاقم آفریقایه کیدیلوردی . اسکندر کیر اوزاق محارده ایشه یارامیان آدماری قتل ایتدیرر ، ایشه یارایه جق ذکور و نسوانی مملکتنه کتوردردی . بنی اسرائیلده دخی اسارت اصولی مرعی ایدی .

عرب جاهلیه ده دخی اسارت شنیع بر صورتده موجود ایدی . دین اسلام بونی تحدید ایتدی ، تصعب ایتدی .

تحدیدی ، سبب رقیت جهتنشدر . شریعت احمدیه ده بورج ویا ضرورت الجاسیله « اسارت » میدانه کتورمک ممکن دکلدر . حر اولان بنی آدم بیعه محل اولمادیغندن بیعی باطلدر . اسارت یالکز حر بیلرله ایدیلن محاربه لرده استیمان ایتیه رک ویا استیمان ایدنردن برینه التجا ایلیه رک حرباً اخذ و ضبط ایدیلن کیمسه لر حقنده و یک محدود بردارده ابقا ایدلشدر . شمدی سزه سؤال ایدرم : میدان حربده عسکر اسلام طرفندن طوتلش اولان اسرا حقنده نه معامله ایدیله جکدی ؟ بلکه سز دیرسکزکه : « زمان صلیحه قدر اسارتده طوتاسون ، بعده مملکتلرینه اعاده ایدلسون » . - فی الحقیقه زمانمزه بویله اولمق لازم کلیر ؛ چونکه بین الاقوام جاری اولان حال اصلی ، صلحدر . محاربه فوق العاده بر حال اولوب نهایت برمه اهنده عقدیه صلحه منجر اولور . حالبوکه ده یقین و قتلره کانجهیه دکن دولتلر بیننده جاری اولان حال اصلی ، حرب ایدی . بینلرنده ایدی برخصومت ، غیر محدود برعداوت جاری ایدی [۱] .

[۱] عالم نصرانیته اهل اسلامه قارشو بویوله کی فکر و نظری حالاً برکونه تبدل اوغراماشدر .

صلح ایسه برمتارکه موقعدن عبارت بولنوردی . او وقتلر طرفین یکدیگرندن آلدقلری اسرای مبادله ایدرلر ویا فدییه ویره رک قورتارلرسه اسارتده نهایت بولوردی . خلاقی حالنده اسیر اخذ ایدن طرف النده کی اسرای نه یایه جق ایدی ؟ صلح عقد اولمیه جقدی که آنلری مملکتلرینه اعاده ایتسون . حال حرب دوام ایدوب طورر ایکن آنلری اعاده ایتکه ایسه دشمنک قوتی آر تیرمق دیمک اوله جغندن البته بوکا کیمسه راضی اولمازدی . شو حالده اسیری قتل ایتکه حیانه بر اقوب ایشنده قوللاقمق ویا خود بر بدل ایله دیگر برینه تسلیم ایتک طریقلرندن بشقه چاره قالمازدی .

(زمانمزه بیله بالقان محارباتنک صلحه منجر اوله جنی محقق ایکن بالقان حکومت نصرانیه سی طرفندن قتل و اتلاف ایدیلن اسرای عثمانیه نك صایسنی آنجق الله بیلور .) ایشه جهانک حالی اوله اولدینی زمانلرده اهل اسلام نه یایه لی ایدی ؟ میدان محاربه ده حیاتی تهلیکه قویه رق اخذ ایتدیکی اسرای بر اقوب دشمنک عددینی می آر تیرمالی ایدی ؟ بالطبع بونی کیمسه تکلیف ایده مز . مملکتنه اعاده ممکن اولمادیغنی حالده ایسه آنلری قتل ایتکمی اهن ایدی ، یوقسه حال اسارتده ابقا ایله مکمی ؟ البته ایکنجیسنک مرجع اولدیغنی انکار ایده جک کیمسه بولماز . حتی سفک دمانی تنقیص ایچون اسیر اخذینه مساعدنه ایتک طریقله غالبلره بر فائده کوسترمه نك بیله موافق انسانیت اولدینی درکاردر . شمدی آرادن عصرلر مرور ایتدکدن احوال و افکار تبدل ایلدکدن صکره و قتیله طوتدینی اسیرلری قتل ایتوب حال اسارتده ابقا ایلدی می شریعت اسلامیه حقنده سبب لوم و تقبیح اوله جق ؟ خرستیانلر دخی بر دین سماوی به معتقد اولدقلری حالده نیچون یقین و قتلره قدر اسارتی ابقا ایتشدردی .

شریعت اسلامیه نك اسارت اصولنی « تصعب » ایتسی دخی معامله جهتنشدر . اقوام سائرده اسرا حیوان مثابه سنده اولوب مالک اولان کیمسه آکا هر نه ایسترسه یایه بیلردی ، اولدیرمکه بیله مأذون ایدی . - شریعت اسلامیه ده ایسه جمله انسانلر درگاه الوهیتده مساوی اولدقلرندن اسرا نك صاحبی اولان کیمسه آنک مالکی دکل ، محافظیدر ، هر درلو حقوق شرعیه سنه رعایتله مکلفدر . کوله سنی اولادندن فرقلی طوتاماز ، حیاتی تهلیکه ده اولمادقجه اویقوسندن اویاندیراماز ، اولادی حقنده شرعاً جائز و واجب اولان حالاتدن بشقه یرلرده ضرب و تکدیر و توبیخ ایده مز ، شرعاً مجاز اولان یرلرده دخی اولاد حقنده مشروع و واجب اولان درجه نی تجاوز ایدیه مز . بوایه اسیر آلمق دکل ، اسیر اولمق دیمکدر . بوندن بشقه شریعت احمدیه اسرا نك اعتاقنی افضل عبادات عد ایتشدر ؛ کوله آزاد ایتک کفارات انواعنددر .

عزیزم ! اوتهدن بری خرستیان اوروپاده اسارتک مختلف نامرله متعدد نوعلری جریان ایتش و (قانوناً) رفی ده یقین زمانلرده میسر اولشدر . مع مافیه سز آنلرک پارلاق سوزلرینه باقاییکز . آمریقایه توارخ مختلفه ده مهاجرت ایدن اوروپا اقوام متمنده سی (!) اوتوز

کورمک شرطیله اسارتده ابقا ایدیور. شمدی اوکا دینلیورکه: «سن
نیچون اونی حال اسارتده ابقا ایندک؟» اکر «دشمنه امان یوقدر»
برنسیبیه اوده رعایت ایته ایدی احتمال که شمدی ممدوح اوله جتمدی...

محمود اسعد

کدک پاشا

نسائیات

محترم سبیل الرشاد جریده اسلامیسی

هیت نمربرسی ارطاه کرامه

عاجزه کز، محترم سبیل الرشادک اسکي قارئه لرندن واک جدی
خیرخواه لرندیم. دائماً افاضلمزک نافع اثرلرینی، ارشادکارانه مقاله لرینی،
باخصوص شاعر محترم عاکف بک افندینک عالی ومؤثر شعرلرینی
مطالعه ایدر؛ کاه انشراح قلب حس ایدر، آئیدن امیدوار اولورم؛
کاه ایسه یاسه دوشر، بلا اختیار کوزیاشرلی دوکرم.

بیچاره اسلام! نه بدبخت ایمش که میلیونلرجه خارجی دشمنی کند.
یسنی بوغنی ایچون اوزرینه صولت ایتکده ایکن سینهنده بویوتدیکی
اولادلری بوکون برر ییلان، برر عقرب اولمش، زهرلرینی قلبنه ایصال
ایچون خارجه کی دشمنلردن زیاده صرف ملعت ایدیور. دنیاده هیچ
برمت یوقدرکه دنائتک، شناعتک بودرجه سنه تحمل ایده بیلسون!
دنیاده هیچ برحکومت یوقدرکه امتک بنیان موجودیتنه قارش یوقدرجه
کستاخانه تجاوزلره قارش کوز یومه بیلسون!

برمدندن بریدر «نسائیون» نامیه اورتیه آتیلان بر سورو
کنجلر، بز مسلمان قادینلرینک جبین پا کزدکی ستره عصمتی بیرتمق
ایچون کیرلی طیرناقلرینی اوزاتوب طورمقده درلر. یوزلرندن حیا،
قایلرندن ایمان، وجدان سیلین بوکروه اسافل دوشدکاری. حضیض
مذلتدن شمس منیر عصمت وعفتی لکله یه بیلیمک ایچون مردار اللریله
چامورلر صاورمقدن بر آن فارغ اولما یورلر. جاذبه قانونی صاوردقلری
چامورلری کندی یوزلرینه صیوادیفی حالد یه بوسفیلر اجرای ملعتندن
کری طورمایورلر!

آرتیق بوکروه رذیله نک جرأتلری زیاده لشدی، امتک حضورینی
سلب ایده جک درجه یه کلدی. مملکتک آسایشی نامنه کندی اوزرینه
توز قوندور میان حکومت بر آزده خلقتک حسیات صمیمه سنی دوشونسون،
ارباب ناموسک عفتی محافظه ایچون سسنی یوکسلتسون. چونکه بو
حریفلرک نه منطقدن، نه حکمتدن، نه قوانین اجتماعیه دن، نه ده آداب
انسانیه دن، هیچ بر شیدن نصیبلری یوقدر. قاچ دفعه لر افاضل
امت طرفندن علمه، منطقله جواب ویریلدیکی حالد؛ بودر بدرلر
بوتون بو حکمتلردن تعامی ایدرک بیک درلو مغالطه لرله خلقی اضلاله
چالیشوب طورمقده درلر.

میلیون راده سنده تخمین ایدیلن بیچاره یرلی اهالی یی محو ایده ایده
بوکون بر میلیون درجه سنه ایندیر مشلردر. اولرده بر آتی قریبده
محوه محکومدرلر. اکر اندلس فجایی ظهور یافته اولمسیده اهل
اسلام طرفندن قوه قریبه کتیرلمش اولان آمریقا کشفیاتی نتیجه پذیر
اولوب اورالری مدینت اسلامییه جولانکاه اولسیدی بوکون اویرلی
اهالی موجودیتلرینی محافظه ایدرلردی. بیلر سکزرکه اسپانیا، جنوبی
فرانسه، ایتالیا، مهم بر قسمی، سبجلیا، ساردنیا، مجارستان،
یونانستان، افلاق و بندان و هلم جراً... نیجه ممالک و بندان عصرلرجه مدت
اهل اسلام النده قالدینی حالد یی خرسیتیانلر محافظه ایدلمش ایدی.
بعده نصارا الله کچن بومالکده کی اهالی اسلامییه نه اولدی؟ نمونه ک
اولق اوزره بر فرد اولسون بر اقدیمی؟ نصارا، اسلامک اسارتندن
بخت ایدرکن براز یوزی قزارمالیدر. حالا بوکون مستملکاتده یرلی
اهالی حقننده ایدیلن معاملاتی یقینندن تحقیق ایدیکز، بوباده یازیلان
اثرلری اوقوبکز، بیچاره لک نه فجیع بر حال کچر دکلرینی آکلار سکز،
علی الخصوص آمریقادا بیچاره زنجیلری کوله کچی استیخدام ایتدکن
بشق آتارک عنصرینی بالکلیه محو وازاله ایچون نه درلو تدابیر شیطنتکا.
رانیه مراجعت ایدلدیکنی کورر سکز. بالقان اقوام متمدنه سنک (!)
یاوری طالع ایله الله ایتدکلری ولایات عثمانیه سکنه مسلمه سی وحتی
کندی قومیتلرینه منسوب اولیان اهالی غیر مسلمه حقننده ارتکاب
ایدیان تعذیاتی نظر اعتباره آلق نصارانک درجه مدینتی ارانیه
کافی دکلی؟

۱۹۰۰ سنه میلادیه سنده چینده سرزده ظهور اولان بوقسرلرک
عصیان اوزرینه بتون اوروپا دول معظمه سیله آمریقا و ژاپونیا دولتلی
طرفندن چینه مشترک براردو سوق ایدلمش و بواردونک اداره سی آلمان
قوماندانسه تودیع اولمش ایدی. ایشه بواردونک حین حرکتنده
آلمانیا ایمپراطوری حضرتلری عسکره بر نطق ایتدی؛ ویردیکی امر
نه ایدی، بیلر میسکز؟ «دشمنه امان یوقدر!» - پروستان عالمک
عادتا بر رئیس روحانی اولان و متعدد آثار دینه قلمه آلان بو حشمت
مآبک ویردیکی امر هیچ بوجهله شایان استغراب دکل ایدی؛ چونکه
یدنده بولنان کتاب مقدس ده اوج بیک سنه اول دشمنک حیوانلرینه
بیه امان ویرمیوردی. اشبو اهل صلیب اردوسی چینه آباق باصا
باصا، از مقدس ایمپراطورک ویردیکی او امر قدسیانه یی حرفیا اجرا
ایتدی؛ ساحلدن یکینه قدر تنفس ایدر بر ذی روح، دیکلی بر آغاچ،
طاش اوزرنده طاش بر اقادی. تفصیله مطلع اولق ایسترسه کز نمونه
اوله رق بالقان محارباتنده کی وقایع صلیبی کوزیکزک اوکنه کتیریکز.
ایشته بتون دنیانک «دشمنه امان یوقدر» دیدیکی زمانلرده شرقدن
بردین چیقیور، دشمنه امان ویردکن بشقه حقوق بشریه سنی ده تصدیق
ایدیور. شوقدرکه میدان محاربه ده سلاح بدست اوله رق الله ایتدیکی
دشمنی مملکتنه اعاده ممکن اولمادیغندن قتل ایتکسزین اولاد کی معامله